



Broj: 02-1-***-1/20

Sarajevo, 16.11.2020.god

Na osnovu člana 104. Statuta Univerziteta u Sarajevu, Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“ broj 9/19), Javnog konkursa za prijem u radni odnos od 29.09.2020.godine, Liste uspješnih kandidata i Preporuke za prijem u radni odnos Komisije za provođenje postupka prijema u radni odnos od 27.10.2020.godine, Zapisnika o provedenom postupku prijema u radni odnos, Odluke o prijemu u radni odnos br. 01-3-2188-1/20 od 27.10.2020.godine, postupajući po Prigovoru kandidata Edina Dorića, zastupanog po advokatu Sulejmanu S. Hadžibegoviću, advokatu iz Sarajeva od 03.11.2020.godine, po prethodnoj saglasnosti sekretara, Vijeće Fakulteta na sjednici održanoj 16.11.2020.godine donosi

RJEŠENJE

O prigovoru kandidata na Odluku o prijemu u radni odnos

*I - Prigovor kandidata Edina Dorića, zastupanom po Sulejmanu S. Hadžibegoviću, advokatu iz Sarajeva, učesniku procesa prijema u radni odnos na radno mjesto: Rukovodilac službe za računovodstvo i finansije, na Fakultetu političkih nauka Univerziteta u Sarajevu, na Odluku o prijemu u radni odnos br. 01-3-2188-1/20 od 27.10.2020.godine, **se odbija kao neosnovan.***

II – Odluka stupa na snagu danom donošenja, i ima se dostaviti kandidatu Dorić Edinu, ul. Kartal br.7 i njegovom zakonskom zastupniku.

Obrazloženje:

Na konkurs raspisan 28.09.2020. godine za prijem kandidata na radno mjesto Rukovodilac službe za računovodstvo i finansije blagovremeno su se prijavila tri kandidata: Dorić Edin (prijava zaprimljena na protokol Fakulteta 07.10.2020. godine), Anisa Bihorac (prijava zaprimljena 07.10.2020. godine na protokol Fakulteta) i Alisa Handžić (prijava zaprimljena 08.10.2020. godine na protokol Fakulteta). Dana 12.10.2020. Komisija za prijem u radni odnos u skladu sa članom 8. stav (7) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“ broj 9/19) usvojila je Poslovnik o radu, te ga dostavila dekanu Fakulteta i isti dan objavila na web stranici Fakulteta. Članom VI Poslovnika Komisija predviđeno je da će se ...” Pismeni ispit će se sastojati od ukupno 20 (dvadeset) pitanja (5 esejskih pitanja, 10 pitanja sa višestrukim izborom i 5 pitanja tačno/netačno).



Esejska pitanja će se bodovati sa po 6 (šest) boda, pitanja sa višestrukim izborom i pitanja tačno/netačno će se bodovati sa po 2 (dva) bod. Praktični ispit će se sastojati od 10 zadataka, koji će se bodovati sa po 2,5 boda. Usmeni ispit (intervju) će se sastojati od 3 (tri) pitanja i svako će se bodovati sa 5 (pet) bodova. Maksimalan broj bodova koje je moguće osvojiti na pismenom ispitu je 60 (šesdeset) bodova, maksimalan broj bodova na praktičnom ispitu je 25 (dvadesetpet), dok je maksimalan broj bodova koje je moguće osvojiti na usmenom ispitu 15 (petnaest) bodova. Ukupan broj bodova koje je moguće osvojiti je 100 (sto).

*Na Listi uspješnih kandidata naći se kandidati koji uspješno prođu svaki dio testiranja, a usmenom ispitu pristupiće kandidati koji iz pismenog i praktičnog ispita osvoje **minimalno 45 bodova**.*

*Članom 6 stav (2) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo ("Službene novine "Kantona Sarajevo" broj 37/20) propisano je da ..."Vrednovanje korisnika iz ove uredbe vrši se na način da licu nakon bodovanja po osnovu općih i posebnih kriterija, nakon provedene **kompletne procedure uključujući i intervju**, na ukupan ostvaren broj bodova, u zavisnosti od pripadnosti branilačkoj populaciji, dodaju i dodatni bodovi..."*

Kandidat Dorić Edin na pismenom dijelu ispita osvojio je 34 /tridesetčetiri/ boda, dok je na praktičnom ispitu osvojio 2 /dva/ boda, čime ukupan ostvaren broj bodova na pismenom i praktičnom ispitu iznosi 36 /tridesetšest/ bodova iz čega proizilazi da kandidat nije imao pravo izlaska na intervju, a u skladu sa članom VI Poslovnika o radu Komisije za prijem u radni u odnos od 12.10.2020. godine.

Obzirom da su testiranju pristupila 3 kandidata, a da je Komisija postupala u skladu sa načelom savjesnosti i poštenja, te imala namjeru da još jednom revidira testove kandidata radi izbjegavanja mogućih grešaka u bodovanju kandidata, svi kandidati su pristupili intervju. Nakon obavljenog razgovora sa kandidatima i ponovnog uvida u pisani i praktični ispit utvrđeno je da Komisija nije načinila propust u bodovanju pismenog i praktičnog dijela testiranja, pa je kandidat, Anisa Bihorac, primljen na radno mjesto Rukovodilac službe za računovodstvo i finansije.

Nadalje, kandidat u Prigovoru navodi da Komisija nije postupala na zakonit način te da je u odnosu na njega trebao biti primjenjen član 6. stav (d) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo ("Službene novine "Kantona Sarajevo" broj 37/20) prema kojoj bi mu, kao licu u statusu demobilisanog branitelja, na ukupan broj bodova bili dodani bodovi i to kako slijedi:

23,5% bodova + 0,1 za svaki mjesec učešća u Oružanim snagama a što prema njegovim navodima čini još 12,34 boda na dodjeljeni broj bodova čime bi kandidat došao na prvo mjesto sa 63,34 ukupno ostvarena boda.

Kandidat Dorić Edin u dokumentaciji koju je dostavio uz Prijavu na konkurs jeste dostavio Uvjerenje Federalnog misnistarstva za pitanje boraca i invalida odbrambeno-oslobodilačkog rata broj: 07/18-45/2-233-1875/20 od 29.07.2020. godine kojim dokazuje da je bio pripadnik Armije BiH u periodu od 22.12.1992. do 23.07.1994. godine.



Međutim, Edin Dorić nije postupio u skladu sa članom 3. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo,

Gradu Sarajevo i Općinama u Kantonu Sarajevo ("Službene novine "Kantona Sarajevo" broj 37/20) gdje je propisano da "lica iz člana 3. ove Uredbe imaju pravo na prvenstvo u zapošljavanju, a na evidenciji su JU "Služba za zapošljavanje Kantona Sarajevo" ili su zaposlena sa nižom stručnom spremom od one koju posjeduju.", odnosno nije dostavio Uvjerenje službe za zapošljavanje Kantona Sarajevo da se nalazi na evidenciji iste niti dokaz da je u radnom odnosu sa nižom stručnom spremom od one koju posjeduje.

S tim u vezi, prema kandidatu se nije mogla primjeniti Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo ("Službene novine "Kantona Sarajevo" broj 37/20) iz razloga što isti nije dostavio dokumentaciju kojom dokazuje ispunjavanje uslova iz člana 3. Uredbe.

Vijeće Fakulteta konstatuje da je iz konkursne dokumentacije vidljivo i jasno proizilazi da je procesu izbora kandidata na radno mjesto prisustvovao doc.dr. Pavle Krstić, supervizor imenovan od strane Ureda za borbu protiv korupcije i upravljanje kvalitetom, koji je svojim potpisom potvrdio da je konkurs sproveden u skladu sa važećim pozitivnim pravom i Poslovníkom o radu Komisije od 12.10.2020. godine.

Imajući u vidu navedeno, Vijeće Fakulteta odbija Prigovor kandidata Edina Dorića kao neosnovan i potvrđuje Odluku dekana o prijemu u radni odnos broj: 01-3-2188-1/20 od 27.10.2020. godine.

Pouka o pravnom lijeku: Ovo Rješenje je konačno, a u skladu sa članom 16. Stav (6) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“ broj 9/19) protiv istog se može podnijeti tužba nadležnom sudu u roku od trideset (30) dana.

Akt obradila: Aida Sarajlić Ovčina

Akt kontrolisao i odobrio: prof.dr. Elvis Fejzić

DEKAN

Prof.dr. Sead Turčalo

Dostaviti:

- 1. Materijal za Vijeće*
- 2. Materijal za konkursnu proceduru*
- 3. Edin Dorić, Kartal br. 7*
- 4. a/a*